

## Headlines

- 1 केंद्री मंत्री अमित शाह होरें एन.सी, पीडीपी ते कांग्रेस पर फर्जी टाकरे कराने ते कश्मीरी युवाएं गी हथियार फड़ाने दा आरोप लाया ऐ ते आखेआ ऐ जे विधानसभा चुनांऽ सुप्रीम कोर्ट आस्सेआ घोषित तरीकें उप्पर गै होडना।
- 2 भाजपा दे वरिष्ठ नेता अनुराग सिंह ठाकुर होरें आखेआ ऐ जे मोदी सरकार दे पिच्छले 10एं बरें दौरान जम्मू-कश्मीर दे हर खेत्तर च बड़ा मता विकास दिक्खने गी लब्बा ऐ।
- 3 राष्ट्रपति द्रोपदी मुर्म होरें लोकें दे आर्थिक उत्थान च आंकड़ें दे विश्लेषण ते सबूतें पर आधारित विकास कार्यक्रमें गी लागू करने दी भूमिका पर जोर दिता ऐ।
- 4 भारतीय चुनांऽ आयोग दे निर्देशें तैहत नियम कायदे लागू करने आहली एजेंसियें केंद्र शासित प्रदेश च 4 करोड़ 28 लक्ख रुपें दी नकदी ते होर दुआ प्रलोभन आहला समेयान जब्त कीता ऐ।

<><><><><><>

## Campaign 1<sup>st</sup> Phase

जम्मू खित्ते च लोकसभा चुनाएं दे पैहले गेड़ लेई प्रचार जोरें शोरें कन्नै जारी ऐ। बक्ख-बक्ख सियासी पार्टिं दे नेता अपने अपने मेदवारें दे समर्थन च रैलियां करा रदे न। आकाशवाणी जम्मू संवाददाता दी रिपोर्ट मुजब भारतीय जनता पार्टी दे नेता ते गृह मंत्री अमित शाह होरें जम्मू दी पलोड़ा थाहर चुनावी रैली गी संबोधित कीता। उंदी रैली पार्टी मेदवारें डॉ. जितेंद्र सिंह ते जुगल किशोर शर्मा हुंदे समर्थन च ही। डॉ. जितेंद्र सिंह होर उधमपुर ते जुगल किशोर शर्मा होर जम्मू पार्लिमानी हल्के लेई पार्टी दे मेदवार न। गृह मंत्री अमित शाह होरें जम्मू दे पलोड़ा स्थित मैदान च चुनावी रैली गी संबोधित करदे होई आखेआ जे पिच्छले 10 बरें च केंद्र च प्रधानमंत्री नरेंद्र मोदी हुदीं अगुवाई आली सरकार नै जम्मू-कश्मीर दे लोकें गी बहोबद्द लाहू हासिल करोआया ऐ। उनें आखेआ जे इक समां हा जिसलै जन्नी बट्टे मारना, धमाके ते दफा 370 दे मनहूस साया जम्मू-कश्मीर पर छाए दा हा। हुन इसी हटाई दिता गेआ ऐ ते युवाएं दे हत्यें च जन्नी बट्टे दे बजाए लैपटाप न। अज्ज लोक भारत माता दी जय दे नारे लांदे न। पाकिस्तान दे समर्थन च नारे नेई लगदे। उनें आखेआ जे पीडीपी प्रमुख महबूबा मुफ्ती होरें आखेआ हा जे दफा 370 गी जेकर हटाया गेआ तां फीहू तिरंगे गी चुक्कने आला कोई नेई रौहगा। उनें आखेआ जे दफा 370 बी हटी गेई ते तिरंगा पूरी शान कन्नै लहरा रदा ऐ। गृह मंत्री होरें आखेआ जे गुज्जर पहाड़ी, बकरवाल, ओबीसी, दलित ते महिलाएं गी आरक्षण थहोआ ऐ। उधमपुर पार्लिमानी हल्के च पैहले गेड़ तैहत 19 अप्रैल गी वोट पाए जाने न, जिसले कि जम्मू पार्लिमानी हल्के लेई दुए गेड़ तैहत 26 अप्रैल गी वोट पाए जाने न।

<><><><><><>

## Anurag Rally

भारतीय जनता पार्टी दे वरिष्ठ नेता ते केंद्रीय मंत्री अनुराग सिंह ठाकुर होरें किशतवाड़ च इक चुनावी रैली गी संबोधित कीता। उंदी एहू रैली उधमपुर डोडा कठुआ संसदीय हल्के थवां पार्टी दे मेदवार डॉ. जितेंद्र सिंह हुंदे समर्थन लेई ही। प्रसार भारती दे संवाददाता कैलाश नाथ कन्नै खास गल्लबात दौरान अनुराग सिंह ठाकुर होरें आखेआ जे विपक्षी दलें आम लोकें लेई अपने शासन काल दौरान किश नेई कीता। उनें आखेआ जे पिच्छले 10 बरें दौरान नरेंद्र मोदी हुंदी अगुवाई आली सरकार दौरान जम्मू-कश्मीर नै हर क्षेत्र च बड़ा मता विकास कीता ऐ। उनें आखेआ जे जम्मू-कश्मीर च विधानसभा चुनांऽ इस बरे होडना। उनें इस बारै भारतीय जनता पार्टी दे रूख गी दसाफ कीता। उनें विश्वास जाहिर कीता जे औंदे लोकसभा चुनाएं दौरान एनडीए गी 400 थवां बद्द सीटां हासिल होडना। उनें आखेआ।

<><><><><><>

## Pilot Kathua Rally

कांग्रेस दे वरिष्ठ नेता सचिव पायलट होरें कठुआ च पार्टी दे उधमपुर पार्लिमानी हल्के लेई मेदवार चौधरी लाल सिंह हुंदे समर्थन च रामलीला मैदान च रैली कीती। उनें आखेआ जे भाजपा नै अपने कार्यकाल दौरान अपने वायदें गी पूरा नेई कीता।

महंगाई बदी ऐ। गरीबें गी बड़ा किश झल्लना पवा रदा ऐ की जे जरूरी चीजें बस्तें दी कीमत बदी गई ऐ। उनें आखेआ जे कांग्रेस दे संकल्प पत्र करी हर गरीब गी समाज च न्याऽ थ्योग। महिलाएं गी हर बरे इक लक्ख रपेआ दित्ता जाग। उनें आखेआ।

<><><><><><>

### SVEEP-Reasi

जम्मू लोकसभा सीट लेई होने आले चुनांऽ दी त्यारिएं दे सरबंध्य च रियासी दे जिला चुनांऽ दफ्तर आस्सेआ स्वीप तैहत रियासी च जागरूकता रैली कड़ी गई। जिल चुनांऽ अधिकारी होरें मतदाताएं गी जागरूक करने ते वोट पाने लेई प्रेरित करने लेई जोर पाया। रैली दी शुरूआत जिला चुनांऽ अधिकारी विशेष महाजन होरें कीती। उनें आखेआ।

<><><><><><>

### UPSE-Result

संघ लोक सेवा आयोग नै सिविल सेवा परीक्षा 2023 दे नतीजे घोषित करी दित्ते न। एहदे च आदित्य श्रीवास्तव होरें पैहली थाहर हासिल कीती ऐ। ओहू आई.आई.टी कानपुर थवां इलेक्ट्रानिक इंजीनियरिंग कीती दी ऐ। दुई थाहर पर अनिमेष प्रधान ते त्री थाहर पर दोनुरू अनन्या रेड्डी रेइयां। शीर्ष 25 मेदवारें च 10 महिला ते 15 पुरुष न। आयोग नै नियुक्ति आस्तै कुल इक ज्हार 16 मेदवारें दे नां दी सिफारश कीती ऐ। इस मतेयान च 6 लक्ख थवां मते मेदवारें हिस्सा लैता हा।

<><><><><><>

### PM-Civil Services

प्रधानमंत्री नरेंद्र मोदी होरें सिविल सर्विसेस 2023 दे मतेहानें च सफलता हासल करने आहलें गी बधाई दित्ती ऐ। सोशल मीडिया दे इक पोस्ट च प्रधानमंत्री होरें आखेआ ऐ जे उंदी मेहनत गी फल मिलेआ ऐ। उनें आखेआ ऐ जे उंदे जत्तें कन्नै औने आहले समें च स्हाढे राष्ट्र दे भविक्ख गी नमां आकार दित्ता जाग। प्रधानमंत्री होरें उनें मेदवारें जिनें सिविल सर्विसेस दे म्तेहान च सफलता हासल नेई कीती, उनेंगी आखेआ ऐ जे उनें चेता रक्खना लोडचदा जे उंदी यात्रा दा अंत नेई ऐ।

<><><><><><>

### PM Rally

प्रधानमंत्री ते भारतीय जनता पार्टी दे वरिष्ठ नेता नरेंद्र मोदी होरें आखेआ ऐ जे कांग्रेस ते औदे सहयोगी दल अपने राजनीतिक लाहू आस्तै संविधान गी हथियार आला लेखा इस्तेमाल करने दा जत्त करे रदे न। बिहार दी गया थाहर गांधी मैदान च इक जनसभा गी संबोधित करदे होई उनें आखेआ जे विपक्षी दलें आस्सेआ लोकें गी गुमराह करने आस्तै एहू झूठ फैलाया जा'रदा ऐ जे भारती जनता पार्टी संविधान बदली देग। उनें भरोसा दोआया जे संविधान गी कोई बी नेई बदली सकदा। उनें गलाया जे भारतीय जनता पार्टी नै संविधान गी सच्ची भावना कन्नै लोकें तगर पजाने दा जत्त कीता ऐ ते एहदे आस्तै मुख च राष्ट्रीय संविधान दिवस मनाने दी रिवायत शुरू कीती गई ऐ। उनें गलाया जे विपक्ष दे भैडे मनसूबे आले जत्तें गी मुख दी जनता मतदान राएं हराई देग।

<><><><><><>

### Prez. Economy

राष्ट्रपति द्रौपदी मुर्मू होरें आखेआ ऐ जे आंकडें दे विश्लेषण ते सबूतें पर आधारित विकास कार्यक्रमें गी लागू करने कन्नै सरकार गी लोकें दे आर्थिक उत्थान च तेजी आनने च मदद थ्योई ऐ। उनें आखेआ जे भारतीय आर्थिक सेवा दे युवा अधिकारिएं दा एहू फर्ज ऐ जे ओहू नमें विचारें ते तकनीकें दे इस्तेमाल कन्नै अपनी कार्य क्षमता बदान। राष्ट्रपति भवन च अज्ज भारतीय आर्थिक सेवा दे प्रोन्नथनर्स अधिकारिएं दे इक समूह गी संबोधित करदे होई उनें आखेआ जे आर्थिक विकास मुख दे विकास दा महत्वपूर्ण हिस्सा ऐ।

<><><><><><>

### ECI Seize

जम्मू-कश्मीर च 19 अप्रैल गी होने आले लोकसभा चुनां दे पैहले गेड दे मतदान थवां पैहले केंद्र शासित प्रदेश नकदी ते प्रलोभन आला होर दुआ समेयान जब्त कीता गेआ ऐ जेदी कीमत 4 करोड 28 लक्ख रपे दी ऐ। कनून नाफिज करोआने आली एजेसिएं निर्वाचन आयोग दे निर्देश पर चलाए गेदे अभियान तैहत एहू कार्रवाई कीती ऐ। आकाशवाणी जम्मू संवाददाता दी रिपोर्ट मुजब जम्मू-कश्मीर च चुनांऽ आयोग आस्सेआ उपलब्ध आंकडें मुजब इक्क करोड 25 लक्ख रपे नकदी,, 24 ज्हार लीटर शराब जब्ती कीती। 2 करोड 35 लक्ख रपे दे नशीले पदार्थ ते होर दुआ समेयान जब्त कीता गेआ ऐ।

<><><><><><>

## Shoba Yatra Jammu

धमार्थ ट्रस्ट जम्मू आस्सेआ कल दपैहरी रथ यात्रा कडुी जाग एह शैहरा दे बक्ख-बक्ख हिस्से च होईए लंघोग। एम.के अजात शत्रु दे कन्नै-कन्नै धमार्थ ट्रस्ट दे ट्रस्टी रणविजय सिंह होरे दस्सेआ ऐ जे कल जम्मू च रामनौमी पर शोभा यात्रा दी झांकी कडुी जाग। एम.के अजातशत्रु होरे आखेआ।

<><><><><><>

## LG-Condolence

उपराज्यपाल मनोज सिन्हा होरे श्रीनगर च होए दे किशती हादसे पर अपना दुख ते बसोस जाहिर कीता ऐ। अपने इक ट्वीट खेह च उपराज्यपाल होरे आखेआ ऐ जे श्रीनगर च होए दे किशती हादसे च जान मुहाने आहले लोके दा मिगी बडा बसोस ऐ। मेरी संवेदना जान मुहाने आहले दे परोआर कन्नै ऐ ते मैं भगवान अगै प्रार्थना करना जे भगवान उनेगी इस शोक थमां बाहर निकलने लेई हिम्मत ते ताकत देयै। एस.डी.आर.एफ टीम, सेना ते होरने एजेसिएं दी टीम नै राहत ते बचाऽ अभियान चलाइयै उनेगी बाहर कडुआ। प्रशासन जखमीं होने आहले गी पूरी सेहत सुविधा उपलब्ध करोआरदा ऐ। मारकोस टीमें गी बी अलर्ट कीता गेआ ऐ।

<><><><><><>

## Abha-CGHS

सेहत मंत्रालय नै लोके गी आखेआ ऐ जे केंद्र सरकार सेहत योजना रिकार्ड गी आभा नंबर कन्नै जोडने आहली पैहलकदमी दे बारे च गलत जानकारीये गी नेई फैलाया जा। मंत्रालय नै आखेआ ऐ जे इस पैहलकदमी दा मकसद मरीजे ते केंद्र सरकार सेहत स्कीम दे लाभार्थिये गी उंदे मेडिकल रिकार्ड गी उंदे मोबाइले पर उपलब्ध करोआना ऐ। मंत्रालय नै इस गल्ले पर जोर भरेआ ऐ जे आपू च इने रिकार्डे गी जोडने कन्नै अस्पतालें गी सेहत रिकार्डे गी सांभने आस्तै मुश्कलाते दा सामना नेई करना पौग ते एहदे कन्नै समें ते पैसे दी बरबादी बी नेई होग। मंत्रालय नै इब्बी दस्सेआ ऐ जे सरकार दा छप्पने दा कोई गुप्त मकसद नेई ऐ।

<><><><><><>

## SMVDU-PMBJAK

श्री माता वैष्णो देवी तीर्थ बोर्ड दे मुख कार्जकारी अधिकारी अंशुल गर्ग होरे कल श्री माता वैष्णो देवी यूनिवर्सिटी दे वायस चासलर प्रो. प्रगति कुमार हुंदी मौजूदगी च प्रधानमंत्री भारतीय जन औषधि केंद्र दा उद्घाटन कीता। इस औषधि केंद्र च यूनिवर्सिटी दे अमले, विद्यार्थिएं ते बाहरले लोके गी सस्ती दवाइयां उपलब्ध करोआइयां जाडन। इस मौके पर प्रो. प्रगति कुमार ते अंशुल गर्ग होरे मेडिकल केंद्र दा बक्ख-बक्ख लैवे ते वाडे दा दौरा लाया ते मेडिकल केंद्र दे अमले कन्नै गल्लबात बी कीती।

<><><><><><>